

**Канон, чтóмый на разлучение
душ́и от тѣла, внегда человек
дóлго страждет**

Молитвами святых́ отецъ нашихъ,
Господи Иисусе Христе, Боже нашъ,
помилуй насъ. Аминь.

Святый Боже, Святый Крепкий,
Святый Безсмертный, помилуй насъ.
(Трижды.)

Слава Отцу́ и Сыну́ и Святому́ Духу,
и ны́не и пр́сно и во веки вековъ.
Аминь.

Пресвятая́ Троице, помилуй насъ;
Господи, очисти грехи́ наша; Влады́-
ко, прости́ беззакония́ наша; Святый,
посети́ и исцели́ немощи́ наша, имене
Твоего́ ради.

Господи, помилуй. (Трижды.)

Слава Отцу́ и Сыну́ и Святому́ Духу,
и ны́не и пр́сно и во веки вековъ.
Аминь.

Отче нашъ, Иже еси́ на Небесехъ! Да
святится́ имя́ Твое́, да придетъ Цар-
ствие Твое́, да будетъ воля́ Твоя́, яко
на Небеси́, и на земли́. Хлебъ нашъ на-
сущный даждь намъ днесь; и остави
намъ долги́ наша, якоже и мы остав-
ляемъ должникомъ нашимъ; и не введи́
нас во искушение́, но избави нас от
лукаваго.

Господи, помилуй. (12 раз.)

Слава Отцу́ и Сыну́ и Святому́ Духу,
и ны́не и пр́сно и во веки вековъ.
Аминь.

Приидите, поклонимся Цареву́ на-
шему́ Богу́.

Приидите, поклонимся и припадём
Христу́, Цареву́ нашему́ Богу́.

Приидите, поклонимся и припадём
Самому́ Христу́, Цареву́ и Богу́ на-
шему́.

Псаломъ 69

Боже, в по́мощь мою́ вонми́, Госпо-
ди, помощ́и ми потщ́йся. Да посты-
дятся и посра́мятся ищущи́и ду́шу
мою́, да возвратятся́ вспять и посты-
дятся хотя́щии ми злая́. Да возвра-
тятся́ абие стыдя́щися глаголющи́и

ми: благоже, благоже. Да возрадуются и возвеселятся о Тебѣ вси ищущи Тебѣ, Бóже; и да глаголют вѣину, да возвеличится Господь, любящии спасение Твое. Аз же нищ есмь и убог, Бóже, помози ми, Помощник мой и Избавитель мой еси Ты, Господи, не закосни.

Псалом 142

Господи, услыши молитву мою, внуши моление мое во истине Твоей, услыши мя в правде Твоей. И не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятѣся сердце мое. Помянух дни древния, поучихся во всех дѣлах Твоих, в творениих рукъ Твоею поучахся. Воздох к Тебѣ рuce мой, душа моя, яко земля безводная Тебѣ. Скоро услыши мя, Господи, исчезѣ дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи

мне, Господи, путь, воньже пойду, яко к Тебѣ взях душу мою. Изми мя от враг моих, Господи, к Тебѣ прибегах. Научи мя творити волю Твою, яко Ты еси Бог мой, Дух Твой Благий наставит мя на землю праву. Имене Твоего ради, Господи, живиши мя, правдою Твоею изведѣши от печали душу мою, и милостию Твоею потребиши враги моя и погубиши вся стужающия души моей, яко аз раб Твой есмь.

Псалом 50

Помилуй мя, Бóже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя; яко беззаконие мое аз знаю, и грех мой предо мною есть вѣину. Тебѣ единому согреших и лукавое пред Тобою сотворих; яко да оправдишися во словесех Твоих и победиши вневгда судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очищуся; омьѣши

мя, и паче снѣга убелюся. Слуху моему даши радость и веселие; возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

И канон, глас 6-й

Песнь 1

Ирмос: Яко по сѹху пешешествовав Израиль, по бездне стопами, гонителя фараона видя потопляема, Богу побѣдную пѣснь поим, вопияше.

Прпѣв: Помилуй мя, Боже, помилуй мя.

Приидите, соберитесь вси, иже благочестно в житии пожившии, и восплачите о души, отчужденней славы Божия и работавшей студным демоном всяким тщанием.

Помилуй мя, Боже, помилуй мя.

Ныне убо время все моего живота яко дым претечѣ, и предсташа прочее Ангели, посланнии от Бога, окаянную мою душу ищуще немилостивно.

Слава Отцу и Сыну и Святому Духу.

Се, предсташа множество лукавых духов, держаще моих грехов написание, и зовут зело, ищуще безстыдно смиренныя моя души.

И ныне и присно и во веки веков. Аминь.

Прочее к кому возопию? Кто мой плач от болѣзни примет, и сердца воздыхание? Токмо Ты, Пренепорочная Чистая, надежда христиан и всех грешных.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Помилуй мя, Боже, помилуй мя.

Добрый мой дружи и знаемии, почто не плачете? Почто не рыдаете, иже иногда любимаго друга и брата, ныне же странна Бога и всех вас?

Помилуй мя, Боже, помилуй мя.

Возлюбленная моя братия, зряще моя деяния, обличаема мерилом праведным, Христа всех Бога молите, милостива быти мне.

Слава Отцу и Сыну и Святому Духу.

Помянувше моя, возлюбленнии, еже к вам дружбы, Христа молите призрети на мя, злополучна, живота лишившагося, и мучима.

И ныне и присно и во веки веков. Аминь.

Приклони ухо Твое ко мне, Бога моего Мати, от высоты славы многия Твоея, Благая, услыши стенание последнее, и руку подаждь ми.

Песнь 4

Ирмос: Христос моя сила, Бог и Господь, честная Церковь боголепно поет, взываящи, от смысла чиста о Господе празднующи.

Помилуй мя, Боже, помилуй мя.

Увы мне блудному, увы мне окаянному, яко рuce простираю к моим другом, и слезы от очию проливаю, но никтоже милуяй мя.

Помилуй мя, Боже, помилуй мя.

Подвиг настя мне души всегубителен, и очима взираяй к Божиим светлым Ангелом, вопию: мало оставите мя пожити, но никтоже послушаяй мене.

Слава Отцу и Сыну и Святому Духу.

О мне плачите, о мне рыдайте, ангельстии собори и человецы вси христоролюбцы: немилостивно бо душа моя от тела разлучается.

И ныне и присно и во веки веков. Аминь.

Владычице, Владычице, ныне помилуй душу недоумевающую, и к Твоему покрову единому зрящую, и не презри, Благая, демоном отдану быти ми.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго зывающа.

Помилуй мя, Боже, помилуй мя.

Свет умный возсияй на мя, да вижу Тя, Христэ, поне вмале; ктому бо не узрю Тебе, облак бо демонов внезапу нападе на мя, и тьма студных моих дел покрывает мя.

Помилуй мя, Боже, помилуй мя.

Спаситесь, вси возлюбленнии, благоутробнии о мне явльшеся злочастнем и всеокайнем; вси бо аще едином гласом провещали бысте к моему Владыце, тьмы избавили мя бысте.

Слава Отцу и Сыну и Святому Духу.

Спасайся, великий княже Божий Михайле, Ангелов начальниче; ктому бо твоё святое имя не призову, еже помощи мне: молчита бо мой устне, и язык связася.

И ныне и присно и во веки веков. Аминь.

Спасайся и Ты, Нескверная Чистая Мати Христа моего и Бога; ктому бо образа Твоего от моих согрешений не узрю, окайнный, угасе бо свет мой, и ночь покры мя.

Песнь 6

Ирмос: Житейское море, воздвигаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Помилуй мя, Боже, помилуй мя.

Приклоните ухо ваше, братия моя, ко мне, и кратко услышите умилённых глагол малое вещание, и не преслушайте, и мзду от Господа вси восприимете.

Помилуй мя, Боже, помилуй мя.

Се ныне разлучается с болезнию душа от окайннаго моего телесе; не убо тело моё погребёте в земли, несть бо достойно, но извлёкше вон, псом поверзите.

Слава Отцу и Сыну и Святому Духу.

Каая бо мне польза, души моей в страшныя муки ввержене быти, телу же пету быти от вас? Оставьте непогребёно, яко да снесят пси сердце моё.

И ныне и присно и во веки веков. Аминь.

Негли мимоходящии, страннии, видяще кости от псов влекомы, умилвшеся воззовут от души: помози, Владычице, души окайннаго сего тела.

Песнь 7

Ирмос: Росодательну ўбо пещь содела Ангел преподобным отроком, халдеи же опаляющее веление Божие мучителя увещая вопити: благословен еси, Боже отец наших.

Помилуй мя, Боже, помилуй мя.

Се, привлékше, отторгóша от телесе люте внезапу окаянную дýшу, и отводят к Судий грозному и страшному; помянувшие ўбо, возлю́бленнии, еже к вам моя бесе́ды, па́мять творите мне.

Помилуй мя, Боже, помилуй мя.

Помилуйте мя, Ангели всесвятїи Бога Вседержителя, и изба́вите мытарств всех лука́вых, не ймам бо дела блага возмерити мери́лу злых моих дея́ний.

Слава Отцу́ и Сыну и Свято́му Дýху.

Егда́ взы́дете, всесвятїи мой Ангели, предста́ти суди́щу Христо́ву, ко́лена прекло́ньше плаче́вно возопи́йте Ему́: помилуй, всех Творче, дело рукú Твоею, Бла́же, и не отри́ни от Тебе́.

И ны́не и прісно и во ве́ки веко́в. Ами́нь.

Покло́ньшеса Влады́чице и Пречи́стей Ма́тери Бо́га моего́, помолі́теся, я́ко да прекло́нится с ва́ми, и прекло́-

нит Его́ на ми́лость: Ма́ти сýщи и Пита́тельница, услы́шана бу́дет.

Песнь 8

Ирмос: Из пламене преподобным росу источил еси, и праведнаго жертву водою попалил еси, вся бо творіши, Христе, токмо еже хотети. Тя превозносим во вся веки.

Помилуй мя, Боже, помилуй мя.

Ны́не совоздохните, вси земнии концы́, о мне окая́ннем, и спла́чите, при́иде бо лю́тое свы́ше изрече́ние, рука́ма мойма связа́тися, и нога́ма изринутися.

Помилуй мя, Боже, помилуй мя.

Недоуме́в от всех, к тебе́, хранителю окая́ннаго животá моего́, стена́ зову го́рько: виждь моих уз ве́чных озлобле́ние, и не оскуде́й о мне моля́ся.

Слава Отцу́ и Сыну и Свято́му Дýху.

Поне́же бых де́моном издан, и во а́дово дно ну́ждею низво́дят, вем, я́ко ны́не вси мене́ забы́ша, ты же помяни́ мене́, о Ангеле Господень.

И ны́не и прісно и во ве́ки веко́в. Ами́нь.

Христа́ моего́ Ма́ти, ка́ко забы́ла еси́ мене́? Ка́ко не преклоні́ла еси́ на милосе́рдие Исто́чившаго кровь от

ребра, да спасёт, яже созда? Увь мне, како заключися милосёрдие Христа моего!

Песнь 9

Ирмос: Бóга человеком невозможно видети, на Негоже не смéют чини ангельстии взирати, Тобою же, Всечыстая, явися человеком Слово Воплощённо. Егóже величающе, с Небésными вои, Тя ублажаем.

Помилуй мя, Бóже, помилуй мя.

Бóга не ктому аз помяну, не ктому бо во áде поминати Гóспода; но во тьме люте покрываем сежу, ожидая Воскресения всех человек, да судився во огонь ввергуся.

Помилуй мя, Бóже, помилуй мя.

Бог не ктому менé помянет, ниже множество Ангелов, Архангелов собор, пророков, апóстолов собрание, множества же мучеников, всех же праведных; еди́н убо почерплю злая, яже собрах.

Слава Отцу́ и Сыну́ и Святому́ Духу.

Плачите о мне ны́не и рыдайте, áдово дно и бédна, и червь и тартар, му́ки убо вся о мне возстоните, еди́н бо от христиа́н ведо́хся, вам пре́дан бых, е́же мучитися го́рько.

И ны́не и прýсно и во ве́ки веко́в. Ами́нь.

Бóжия Ма́ти, виждь в бédну, виждь ду́шу, му́кам пре́данную му́читися, и колéна прекло́ньши прослезí, да прекло́нится Твоими мольба́ми, Иже кровь Свою́ да́вый за менé, возва́ти мя.

Та́же:

Досто́йно есть я́ко вои́стину блажи́ти Тя, Богороди́цу, Присноблаже́нную и Пренепоро́чную и Ма́терь Бóга на́шего. Честне́йшую Херувим и сла́внейшую без сравне́ния Серафим, без ислéния Бóга Сло́ва ро́ждшую, су́щую Богороди́цу, Тя велича́ем.

Сла́ва Отцу́ и Сыну́ и Святому́ Духу, и ны́не и прýсно и во ве́ки веко́в. Ами́нь.

Гóсподи, помилуй. (*Трижды.*)

Гóсподи Иисýсе Христé, Сыне́ Бóжий, моли́тв ра́ди Пречы́стия Твоея́ Ма́тере, преподо́бных и богоно́сных оте́ц на́ших и всех святы́х помилуй нас. Ами́нь.